

秀山縣志卷第六

學志第五

古者州黨考行大夫論秀三歲大比爰集司徒掌不一職學匪一日是以上說下教誕閔禮道賢能莘莘響然四臻春秋政缺茲道尠章漢興郡國察舉孝廉茂異賢良方正古意寢歇略睹髣髴及文翁守蜀修起學宮于成都市中武帝迺令天下郡國皆立學校官竝置博士學宮弟子州縣立學葢萌芽茲時矣厥後代有因損通蔽互形人存政舉豈伊文具

國家鑒取前規綢繆近制邑甸繡錯學校如林鄉舉

廷貢號曰正涂榮路旣顛躓流無擁縣地拓辟未久榛翳就刈若迺壇廟祠祀之禮射飲老孤公私之會悉准見縣具聽與舉獨至立學則瞻顧衰回閱世再周始依小學定其額額而長吏之籲懇監司之采聽已數數矣非夫慎名器不濫段之一端歟時值承平學徒一名之增省至煩

天子與大臣親議再四乃始定之咸豐初江南兵事大起列縣輸財助餉及銀萬兩者

詔准加廣文武學額各一名故軍興以來一切覈減學額則歲歲增加所以風示天下俾益激昂奮厲于趣公之涂也縣中往歲屢遭兵革縣人輸財資軍不下數萬歲冀增學西陽已得請倍其初額而縣學至今如故下遏而上蔽之咎也夫比年貢舉事統春官宜繫禮典末須別錄然縣學經營匪依葦歲中間駁難屢更縣祀寢沮所以專篇甄列示縣人知所自來焉至于師



儒錄于官簿試棚詳于工役書院則附在禮篇別具論撰茲悉不更次載若學制經始數易賢司勞勤之迹未可湮也則綴叙尤詳云

縣舊無學雍正十三年酉陽改流事定平茶邑梅石耶地壩四洞長官相率輸土請吏因置縣焉時酉陽已議准裁汰黔江訓導一員移置州治建學定額大吏以縣新闢人文闕如疏請暫附州庠于是夏景馥知縣事迺輸私錢立義學近城聰慧童幼咸入課肄延耆儒主之民間稍稍知有誦讀巖疆甫定政尙夷簡俗習樸儉物殖豐賤縣東北一水下趣沅溪滙洞庭通利舟楫他郡賈民爰至受塵樂其風土或徙家安焉而富者往往好督子弟雅業伴走千里邀名師教授家塾其後土著轉相慕效

卷六

學志

二

琅琅之聲達乎四境於時橐筆應縣試童生數逾五百提學歲科試取進附學生及取補廩增二生數占州額之半歲拔兩貢分次迭選舊制州學額廩生二十名增生二十名歲科兩試各取附生八名二年一貢十二年一拔武生歲試取進八名額依小學采兼兩地縣士欲焉歲冀分學乾隆二十八年知縣邊鏞募貲於縣署左朔築

至聖先師廟及儒學廡規模狹具不動公帑三十一年始牘陳督部請別建學援州前例議裁鄰邑彭水教諭移設縣治事寢不行四十年提學吳省欽案臨重慶向例酉陽調附渝棚歲科連考學政全書乾隆十年議准四川酉陽州僻處川省極東向來未有考棚俱赴重慶府棚應試往返二千餘里視夔甯尤甚孤寒苦於資斧應准照夔州甯遠二府之例歲科連考卽於是年舉行丁酉拔萃科縣



人款乘常充貢知縣朱光曾復據詳請設學因極陳情勢簡便  
事下本州核議未覆先是雍正十一年石砭土司馬宗大捐建  
文廟敦詞請學布政使高山於乾隆五年推類奏請雅安天全  
秀山雷波衛石砭司添設教官嗣因各道覈覆諸屬僻處偏陬  
人文尙未增盛議遂停沮後石砭建廳歷任同知續請未行至  
是覆請改附忠州考棚布政使錢鋈議以天全秀山較石砭歸  
流在前雷波易衛爲廳亦幾二十載雅安爲雅州府倚郭縣石  
砭一地據稱士風日盛四屬當更殊觀飭下各廳州縣查議十  
二月牒行至縣縣人忻躍過望以爲事會可乘造庭環籟申說  
百端四十一年光增議覆略言秀山設縣垂四十年生齒繁滋  
號稱旣庶仰承雅化革其舊染人習趨蹌家識俎豆操觚之士

卷六

學志

三

咸秉先程按冊稽名動逾數百歲科取進強半州庠隘於定制  
未克廣擢在校諸生理須訓迪州學兼權遠檄緝攝月課季考  
奔命告疲謂宜酌加進額別建專員以廣作育於事允便復言  
縣附生額請照依小學定爲歲科兩試取進各八名歲試取進  
武生八名廩增二生額依黔彭鄰邑定爲各十二名

黔彭舊額廩增各二

十名仍按期挨次出貢彭水縣學竝列教諭訓導就近裁撤一

員移設秀山旣昭公溥抑符曩例應請奏頒學記重其信守學  
官祠署前經邊令修葺如制不煩改造其訓導歲支俸銀四十  
兩膳夫一名門斗一名合歲支食銀十二兩卽以彭水所汰本  
任應支銀數相准無庸議其增減學攢一名向無工食依例召  
募准其役滿考職廩生十二名歲支餼銀三兩二錢合歲支餼



銀三十八兩四錢又

文廟春秋祭祀酌歲支銀三十二兩二款俱屬增設應請動項開銷擬就本邑地丁銀內支給不敷詣司庫具領其儒學官俸役食乞飭彭水移解歸款議既上縣人李遇春石任清敖鎮陳天民糜奇瑾等募貲待命時議購置學田增治廨宇凡捐二十金以上官給匾額獎勵僑居許其注籍土著免其雜徭外郡遷徙隸版應考者自是益繁未幾光增去縣事亦久格未行五十八年知縣楊卿雲復依前議上請總督孫士毅咨提學核辦五十九年提學吳樹萱覆言考覈通省歲試已竣各廳州縣文額相稱惟查松潘廳進額六名應試童生止二十四名茂州汶川縣保縣今廢卽理番廳照磨所駐新保關進額各八名應試童生二三十名或

五十餘名人數太少取不敷額秀山未立專學歸併酉陽考進應試童生現已三百餘名文理明順較同屬黔江彭水二縣頗覺優長應於松潘茂汶保四廳州縣額內各量裁二名撥置秀山縣學續據布政使聞嘉言查議略曰秀山設學事符名實惟文生進額既議由松潘等四學各撥二名武生亦應照例一體裁撥竝請於四學各撥廩增三名合酉陽原設爲六十四名西秀派分定廩增額各十六名均改三年一貢新建

文廟祭祀銀數節爲十二兩以符各縣定額歸鹽茶存公項內動支松潘原設教授訓導兩員學務較彭水尤減請將訓導一缺撥歸秀山以資訓迪官役俸食卽以本缺應領之銀截給按歲奏銷竝省移解餘竝如卿雲議是年八月初八日總督福康



安會同提學吳樹萱繕疏以聞奉

旨該部議奏欽此十二月初九日禮部議准奏覆惟訓導學記請令四川總督擬定字樣造冊送部

文廟學署業經捐修並令轉飭造具工料銀兩用數冊結送部

備案十一日奉

旨依議欽此乾隆五十九年十二月初九日禮部奏臣等會議

流為西陽首縣初因人文未盛應試童生附入州學取進今據

調任四川總督福康安等疏稱秀山自設縣以來生齒日繁文

風蔚起現在考試生童約有三百餘人自宜因時酌濟設立專

學應如所請於額多人少之松潘茂州汶川保縣四學內各裁

額二名共額八名撥歸秀山歲試取進文生之例裁撥其西陽學額仍

試取進文生八名歲試武生照文生之例裁撥其西陽學額仍

照原額取進生八名歲試武生照文生之例裁撥其西陽學額仍

四廳州縣各撥廩增三名共二十四名併原設廩增各二十名

卷六

學志

五

共廩增六十四名西陽秀山均分定額分廩增各十六名均改  
為三年一貢所撥該廳州縣廩增原額俟下屆歲試時遇有缺  
出再行扣止歸撥其出貢年分照舊辦理再該縣既設專學自  
應設立扣止歸撥其出貢年分照舊辦理再該縣既設專學自  
在於本省鹽茶存公銀內動支應俟命下之日移咨戶部  
照例核銷再該督疏稱秀山縣既設專學必須教官約束查戶部  
潘廳學裁去學額二名止有四名原設教授訓導各一員實屬  
人浮於事請將訓導一名缺撥歸秀山以資訓迪其訓導學記由  
部鑄頒應設學額一名照例募充役滿考職等語應如所請松  
潘廳訓導准其撥歸秀山以資訓迪其訓導學記由部鑄頒  
定字樣造冊送部到日吏部兼寫清漢移咨禮部照例鑄就頒  
發應設學額一名准其照例募充役滿考職再該督疏稱就頒  
俸銀並發學書門斗等役工食即由松潘廳考職再該督疏稱就  
截扣給發秀山縣具領以便按年奏銷至廩餼銀兩仍照原額  
分撥給領候下屆歲試時遇有缺出再行截扣歸撥等語查秀  
山縣新設訓導俸銀並發學書門斗等役工食即由松潘廳考職  
松潘廳官役俸銀並發學書門斗等役工食即由松潘廳考職  
部其應需廩生餼糧亦應准其各照原額分撥支領遇有缺出  
截扣歸撥再該督疏稱亦應准其各照原額分撥支領遇有缺出  
項另設等語茲令該督轉飭文廟學署業經該縣捐修毋庸動  
用數造冊結送部備案臣等自邊鏞倡議以來富者效貲貧  
未敢擅便謹題請旨



者輸力智者殫慮當事大吏反覆以十數通計羸絀以爲挹注不敢輕有增益至是凡三十餘年事乃克定六十年三月行知到縣縣人洪興發糜奇瑾等以明年春首當舉行歲試分學伊始諸務殷繁而部頒學記尙俟擬請恐過需時日致誤試事時值大軍征討黔楚叛苗總督孫士毅屯壘縣郊就近陳請咨商提學預飭松潘訓導赴縣任事十一月訓導穆世楷蒞學知縣路雲瞻擬定秀山縣儒學記字樣詳請具

題咨部鑄頒於是琢磨士類始有專官與酉陽黔江彭水一律矣嘉慶元年提學李棨案試渝棚卽遵新額考取四年預舉行辛酉拔萃科提學陳希曾取孫宗瑛備貢舊例酉秀考拔更番迭取分學時未及聲敘請額至是禮部議駁因卽停止六年希

卷六

學志

六

808

曾復奏請定例下屆選拔部議以人才盛衰文風高下事隔十二年後難可預定復奏不准十五年知縣程淳重復申請畧稱縣自分學歷有年所諸生敦崇實學制行端謹文風士習翕然丕變自丁卯戊辰卓玉璿徐映台楊毓秀等鄉舉中式多士益加淬厲高自期許堪膺選拔實不乏人若拘以年例恐非作人雅意十七年總督常明會同提學趙佩湘以雅州府屬之天全並案疏請部議查四川之天全州秀山縣存部學册生員實有一百名及一百餘名不等其補廩揆貢久經照例舉行現屆選拔之年自應如該督所請照州縣學定例各拔一名以示鼓勵是年楊逢春充貢自福康安奏設專學至是又幾二十年學額乃備恭逢



覃恩廣額照小學例廣進三名其津貼廣額遵照咸豐三年  
上諭以二千銀數廣進學額一名初州屬生童試提學附棚重  
慶水陸艱遠寒峻苦之嘉慶二十四年縣人徐映台等具詞懇  
州轉請分棚道光元年乃獲允准事具州志

志曰昔荆楚吳越夙稱荒甸春秋擯之誠其猾夏前代以來儷  
風華壤科第之盛著述之富中州猶或遜焉斯非興文治闡禮  
教之明效歟故地非能域人也蕩汰埃染開鑿風會賢者之責  
也秀山乾隆元年設縣越五十有九年乃建專學惟時榛梗就  
刈翳氛始旦黜其椎跣而冠履之棄其侏離而諷誦之會不再  
紀而瓌人碩士以文章材藝論於鄉而升諸

朝者後先相望若卓玉璿鴻漸於鄉國糜奇瑜鳳噉於帝京徐

卷六

學志

七

映台弁冕於蜀都王達琮纓紳於儀部所謂豪傑之士自奮一  
代者矣攷其時知縣事者有邊君鏞祥君善于君蔚華李君漸  
鴻皆宏獎風流樂誘不勸橫經之徒至今猶嘖誦之語曰上德  
若風下應如草斯言固可信哉今天下典守州邑據百里而居  
之以千百數簿書旁午日不暇給聽訟外無遺事矣甚或疾巾  
領若寇讎視考校爲故事遂使育德名區習禮重地博士旣虛  
錄年祀學生亦歎同子衿靜言念之良用憤慨雖然士氣之頹  
作閭里之業尙賢有司倡其始鄉先達董其成義均仔肩責難  
偏廢至如鼓篋踵堂朝晡請益相其動息以爲張弛漸漬而化  
尤在居游之地君子學成行立職關率厲而或者前賢就謝後  
進蕪穢俯今仰昔清風輟響甯非辱乎縣上曩年競工咕嚕志



樂一第蓄書者尠頃歲以來無論富儉竝以購置典籍多寡爭  
雄十三經廿四史周秦諸子漢魏名人別集幾於村有其袤淹  
貫博雅之士往往而在作爲辭章煥存型典是亦斯文風竇漸  
啟之候也利而導之鼓而舞之要惟上下交勗而已

秀山縣志卷第六